

## **Nipisanniarnermut aqutsiveqarfiit:**

### **Aqutsiveqarfik 1A**

Tunnngaviusumik killeqarfiup 68°52,5' N-ip avannaata tungaani 3 sòmilit iluanni tassungalu atasumik kangerluit, tassaasut Kitaani tunnngaviusumik killeqarfiup 68°52,5'N-ip avannaata tungaani 3 sòmilit iluanniittut.

### **Aqutsiveqarfik 1Ba**

Tunnngaviusumik killeqarfiup 67°22,5' N-ip aamma 68°52,5'N-ip akornanni 3 sòmilit iluanni tassungalu atasumik kangerluit, tassaasut Kitaani 67°22,5' N-ip aamma 68°52,5'N-ip akornanni tunnngaviusumik killeqarfimmit 3 sòmilit iluanniittut.

### **Aqutsiveqarfik 1Bb**

Tunnngaviusumik killeqarfiup 66°15' N-ip aamma 67°22,5' N-ip akornanni 3 sòmilit iluanni tassungalu atasumik kangerluit, tassaasut Kitaani Kangerlussuaq (Søndrestrømfjord) Kangerluarsussuarlu minillugit tunnngaviusumik killeqarfiup 66°15' N-ip aamma 67°22,5'N-ip akornanni tunnngaviusumik killeqarfimmit 3 sòmilit iluanniittut.

### **Aqutsiveqarfik 1C**

Tunnngaviusumik killeqarfiup 64°15' N-ip aamma 66°15' N-ip akornanni 3 sòmilit iluanni tassungalu atasumik kangerluit, tassaasut Kitaani Nuup Kangerlua minillugu Kangerlussuarli (Søndrestrømfjord) Kangerluarsussuarlu ilanngullugit tunnngaviusumik killeqarfiup 64°15'N-ip aamma 66°15' N-ip akornanni tunnngaviusumik killeqarfimmit 3 sòmilit iluanniittut.

### **Aqutsiveqarfik 1D**

Tunnngaviusumik killeqarfiup 62°30' N-ip aamma 64°15' N-ip akornanni 3 sòmilit iluanni tassungalu atasumik kangerluit, tassaasut Kitaani Nuup Kangerlua ilanngullugu tunnngaviusumik killeqarfiup 62°30' N-ip aamma 64°15' N-ip akornanni tunnngaviusumik killeqarfimmit 3 sòmilit iluanniittut.

### **Aqutsiveqarfik 1E**

Tunnngaviusumik killeqarfiup 60°45' N-ip aamma 62°30' N-ip akornanni 3 sòmilit iluanni tassungalu atasumik kangerluit, tassaasut Kitaani tunnngaviusumik killeqarfiup 60°45' N-ip avannaata tungaanit 3 sòmilit iluanniit Nunarssuit kitaata tungaa ilanngullugu (60°45'N, 48°08'V); tassanngaanniit sineriammi (60°50'N, 47°57'V) nunamiittoq angullugu; tassanngaanniit nunakkut kitaani 62°30'N angullugu; tassanngaanniit tunnngaviusumik killeqarfiup avataani kimmut 3 sòmilit angullugit; tassanngaanniit 60°45'N angullugu tunnngaviusumik killeqarfiup avataani 3 sòmilit iluanniittut.

### **Aqutsiveqarfik 1F**

Tunnngaviumik killeqarfiup 60°45' N-ip kujataata tungaani 3 sømilit iluanni tassungalu atasumik kangerluit, tassaasut Kitaani 60°45'N-ip kujataata tungaanit tunnngaviumik killeqarfimmit 3 sømilit iluannit kitaani Nunarssuit angullugit (60°45'N, 48°08'V); tassanngaanniit nunavik (60°50'N, 47°57'V) angullugu; tassanngaanniit nunakkut Prins Christians Sundip (60°12'N, 44°V) avannaata tungaa angullugu; tassanngaanniit kujammut 44°V sinerlugu tunnngaviumik killeqarfiup avataanit 3 sømilit angullugit; tassanngaanniit tunnngaviumik killeqarfiup avataani 60°45'N tikillugu 3 sømilit iluanniittut.

### **Kalaallit Nunaata sinnerani aqutsiveqarfiit**

Aqutsiveqarfiit 1A-mit 1F-imut avataanni tunnngaviumik killeqarfimmit 3 sømilit iluanniittut.

**Kitaa nalunaarummi matumani 44°V-p kitaani Kalaallit Nunaata aalisarnikkut  
oqartussaaffigisaatut nassuiarneqarpoq.**

